



Universitätsbibliothek Paderborn

**Responsio Ad Accusationes Quibus De Mala Doctrina
Accusatur Apud S. Sedem Florentius De Cocq Ecclesiæ S.
Michaëlis Antverpiæ Ord. Præmonstrat. ... In Libello, Cui
Titulus: Propositiones per Belgium ...**

Cocq, Florentius de

Lovanii, 1693

Accusatio II.

urn:nbn:de:hbz:466:1-40343

Franciscum Tolet. nostræ Societatis Religiosum, & postea Romanæ Ecclesiæ Cardinalem Illustriss. cum quo de hac re conveni, dum eßem Romæ, in ea fuit sententiâ, quod NULLA TENTATIO, ETIAM MINIMA, sine auxilio gratiæ per Christum vinci possit, aut vitari sine peccato: & tamen ipse auctoritate Apostol. c. Greg. 13. Lovanium missus est ad componendas lites de hac re inter Theologos, & ut curaret prædictam Bullam ab omnibus submisæ recipi: sciebat igitur nihil suæ opinioni prædictam damnationem adversari.

Præterea docet dictus author ab ipso Toleto Bullæ promulgatore edictus & informatus, quod omnes Baii Propositiones non eamdem mereantur Censuram; & aliquas earumdem solummodo damnari ob rigidum judicium, sive nimis atrocem Censuram, quâ aliorum opinione criminabatur: quod si verum, & fides Vasquezio adhibenda, meritè hanc Propositionem ita condemnatam fuisse concludimus; tum ob atrocem Censuram, vocando contrariæ sententiæ Authores, fures & latrones: tum, quod eâ condemnatione non obstante, eamdem opinionem expresse tradat Toletus ipsius Bullæ promulgator; & Bellarminus de vi Bullæ optimè instruitus.

Sed ultra jam dictam responsonem, expresse addidi in solutione argumenti illius nobis objetti, quod dicta propositio, *Non solum fures & latrones &c*, non tantum condemnata sit ob dictam censuram acerbiorem, sed & addidi, quod sit in se falsa: cum possit homo sine gratia tentationi resistere, sic ut in eam non inducatur, aut ab ea non superetur, puta succumbendo alteri tentationi. Unde & consultò in conclusione additum est, sic ut non peccet.

De cætero, cum Accusatores nostri, nos hic & alibi insimulent Bajanismi & Jansenianismi; adeoque ut constitutionibus summorum Pontificum repugnantes (quâ fide & intentione, non iudico) hinc contra eosdem profiteor, nos, & scholam nostram, omnes Apostolicæ Sedis constitutions debitâ submissione revereri; & nos, ac nostra omnia illius iudicio plenè submittere.

A C C U S A T I O I I .

*Parte 3.
Articulo 4
num. II.* **N**ihil in S. Augustino familiarius, nisi hominem ad omne opus moraliter bonum exigere speciale Dei auxilium. Et additur, ita in terminis Florentius de Cocq in princip. totius Theolog. pag. 381.

Animadversio: eadem videtur cum 65. Bajana supra relata". Scilicet hâc, Non nisi Pelagiano errore admitti potest usus liberi arbitrii bonus, sive non malus, & gratia Christi injuriam facit, qui ita sentit & docet.

RES-

R E S P O N S I O.

Propositionem illam mihi objectam probavi ibidem primò ex eo, quod ad omne opus moraliter bonum requiratur relatio (saltem virtualis) illius operis ad Deum tamquam ultimum finem; quæ relatio fieri debet per amorem, seu charitatem aliquam saltem latè dictam, juxta responsionem ad accusationem tertiam jam subsequentem; quæ charitas, sive amor non est, nisi ex Dei gratiâ.

2. Quod omne opus moraliter bonum necessariò incipiat à cogitatione, quâ cognoscitur, quid faciendum sit ob dictum finem ultimum; quæ cognitio non est, nisi ex Dei gratiâ, juxta illud Concilii Milevitani Can. 4. *Utrumque donum Dei est, & scire quid facere debeamus, & diligere ut faciamus. Donum utique Dei speciale, sive gratia; non tantum generale quodam, quale admittebat Pelagius.*

3. Quod in Conc. Diopolitano, Pelagius coactus sit dicere, & profiteri, gratiam Dei ad singulos actus dari.

4. Quod Cœlestinus Pontifex epistolâ ad Episcopos Galliæ can. 9. dicat omnem sanctam cogitationem, pium consilium, omnem denique bonæ voluntatis motum à Deo esse.

5. Addidi Concil. Arausicanum, quod can. 22. docet, hominem de suo non habere, nisi mendacium, & peccatum: cuius sensum explicimus sectione quartâ sublequenti.

Dixi in propositione mihi objectâ, nihil in S. Augustino esse familiarius, nisi hominem ad omne opus moraliter bonum exigere speciale Dei auxilium; quod & ostendi ibidem patere primò ex omnibus S. Augustini scriptis contra Pelagianos, in quibus nihil operosius inculcat, nisi gratiam Dei ad omne opus verè moraliter bonum, esse necessariam.

Signanter tamen ex eodem S. Patre adduxi locum illum ad id Joannis 15. *Sine me nihil potestis facere: In quem Apostoli locum ita scribit tractatu 81. in Joannem: ne quisquam putaret, SALTEM PARVUM aliquem fructum posse à semetipso palmitem ferre, cum dixisset, hic fert fructum multum; non ait, quia sine me PARUM potestis facere; sed NIHIL potestis facere. Sive ergo PARUM, sive MULTUM, sine illo fieri non potest, sine quo NIHIL fieri potest.*

Ad quem Apostoli locum, uti & ad illum S. Pauli 2. Cor. 3. Non sumus sufficientes cogitare aliquid ex nobis quasi ex nobis sed sufficientia nostra ex Deo est: reflectens Contensonius loco Iupracitato speculat. 2. ita differit, & nos cum ipso: *Quis est ille tam subtilis Dialecticus, qui ALIQUID inventiat, ubi veritas NIHIL esse definitivit? Bonum honestum morale nonne est*

B

aliquid?

aliquid? Utique aliquid est, cum Bonum sit proprietas entis, & Bonitatem entis adjiciat etiam Bonitatem virtutis & Honestatis. Ergo si bonum istud sine Christo est, non verè dixit veritas: sine me nihil potestis facere.

Addi potest locus ejusdem S. Patris Augustini L. de Hæresibus cap. 88. ubi de Pelagianis ita scribit: *Illam vero gratiam Dei, sine qua NIHIL boni possumus facere, non esse dicunt, nisi in Libero Arbitrio &c. Quos postea refellit idem Sanctus Doctor.*

Et serm. 13. de verbis Apostoli contra Pelagianos dicentes, gratiam Dei quidem dari, ut facilius operemur, ita scribit: *Non sic est adiutorium Dei, non sic est adiutorium Christi, non sic est adiutorium Spiritus Sancti. Prorsus si defuerit, nihil boni agere poteris. Agis quidem, illo non adjuvante, liberâ voluntate, sed male.*

Cum vero iuxta S. Augustini Doctrinam, gratia Dei consistat partim in illustracione intellectus, partim in pio motu voluntatis; hinc docet idem S. Pater, nec ad similem intellectus illustrationem, seu piam cogitationem, nec ad talem pium voluntatis motum perveniri posse, nisi per Dei gratiam. De piâ cogitatione ita scribit lib. 2. ad Bonifac. c. 8. *Videant (Pelagiani) quid respondeant dicenti Apostolo, non quia idonei sumus cogitare aliquid quasi ex nobis metipsis, sed sufficientia nostra ex Deo est. COGITARE, ait, aliquid, utique bonum.*

De pio vero voluntatis motu ita scribit idem S. Doctor lib. 1. ad Bonifac. cap. 3. *Nec potest homo ALIQUID BONI VELLE, nisi adjuvetur ab eo, qui malum non potest velle.* Huc etiam spectat illud ejusdem S. Patris L. de Corr. & grat. c. 11. ubi ait: *Liberum Arbitrium ad malum sufficit, ad bonum autem NIHIL EST, nisi adjuvetur ab omnipotenti bono.*

Alia S. Patris Aug. loca, eaque innumera prætereo, dicendo solummodo cum P. Vasquez cap. 6. loco suprà citato. AUGUSTINI SCHOLA HANC EANDEM NECESSITATEM GRATIAE AD SINGULA OPERA BONA MORALIA DOCET. Qui & addit, quod quamvis nullus esset ex Patribus commemoratis (pura Augustinum præcedentibus) quem pro hac sententiâ de gratiae necessitate ad singula opera bona moralia Scholastici Doctores allegare possent; IN UNO SOLO AUGUSTINO, EJUSQUE SCHOLA sue opinionis præsidium lubenter collocarent, eumque sibi sufficere meritò arbitrarentur; quod unicus sit, qui, dum agitur de necessitate gratiae, sicut Sol inter reliquos præfulgeat; cuius quidem Doctrinæ egregium testimonium & commendationem, in Epistola primâ Cœlestini ad Episcopos Gallie exaratam habemus. Sunt autem pœnè innumera hujus Patris testimonia, quibus gratiae necessitatem ad singula opera bona moralia adstruere videtur. Augustinum autem secuti sunt, & apprime interpretati præclarí viri, Doctrinæ ipsius studiofissimi, quorum testimonia inferius etiam referemus.

S. Au-

S. Augustino Magistro pro confirmatione ejusdem sententiae addidi S.
Prosporum carm. de ingratis cap. 36. ubi ita canit.

----- *Satis est opera omnipotentis*

Cernere, & authorem cunctorum nosse bonorum,

Quo sine NIL RECTI mens inchoet.

Et ruribus cap. ult.

----- *Gratia Christi est,*

Qua currit, gaudet, tolerat, cavet, eligit, infat,

Credit, sperat, amat, mundatur, justificatur:

Si QUID ENIM RECTE GERIMUS, DOMINE auxiliante

Te gerimus, Tu corda moves &c.

Pro eadem nostrâ sententiâ citat P. Vasquez loco supra citato sequentes
Authores, Albertum in 2. dist. 28. a. 1. ad 6. D. Thomam. q. 24. de ve-
ritate. a. 14. Altisiodorensem in summâ lib. 2. rr. 11. cap. 1. q. 4. Marsi-
lium, Alensem, Gersonium, Gregorium Ariminensem, Abulensem, Alphonsum
de Castro, Dionys. Carthusianum, Catharinum, Clichtovæum, Aretinum, Ca-
salium, Jacomellum, Pantuſſum, Capreolum, Dezam Archi-Episcopum
Hispalensem, Franciscum Romæum Generalem Ord. Prædicatorum, dicen-
tem, hanc opinionem esse Orthodoxam Patrum Doctrinam.

Idem dicit glorioſus Martyr Roffensis scribens contra articulum 36.
Lutheri, ubi ait de hâc nostrâ sententiâ: *Hoc dixi propter Patres: quorum
sententiam sequi malui, quam Scholasticorum, cum in hâc re mutuo sibi pugnant.
Patres enim afferunt, NEMINEM POSSE QUIDQUAM BONI VELLE
SINE SPECIALI DEI AUXILIO, nec sufficere generalem illum influxum:
nonnulli contrâ Scholastici sic contendunt hunc sufficere, ut quis absque illo auxi-
lio bene moraliter agere, & bonum facere posset, non solum ex genere, verum
etiam, quod debitum undique circumstantiis ornatum sit. At si Scholasticorum
argutiam aduersus Patres admittamus, sequetur etiam, ut absque hoc auxilio
Pharao, quantumvis indurati cordis fuisset, etiam hi, qui traditi fuerunt in
reprobum sensum, potuissent bene moraliter agere. Quod mibi sane credibile non
est: cum non solum quantum ad gratiam gratum facientem, verum etiam auxi-
lio Dei speciali reor eos fuisse deſtitutos.*

Addi potest Petrus de Soto lib. de Institut. Sacerdotum Le&t. 16. de
Poenitentiâ, ubi ait, pertinere ad certam fidem, quod homo non possit ul-
lum bonum opus morale efficere sine gratiâ.

Aded ut merito dicat P. Vasquez loco supracitat. cap. 2. n. 10.
Multò plures Scholastici Doctores (ut interim taceam antiques Ecclesiæ Patres)
affirmant, NULLUM OPUS MORALE EX OMNI CIRCUMSTANTIA
BONUM FIERI POSSE AB HOMINE SINE AUXILIO GRATIAE.

Et Contensonitis loco etiam ante citato ait, veteres omnes Thomistas

pro hâc nostrâ stare opinione : & dilucidè vendicat pro hâc nostrâ sententiâ ipsum D. Thomam, quem & nos pro nostrâ sententiâ adduximus loco ante-citato.

Addidimus & pro ratione dictæ opinionis, quod rogemus à Deo spiritum cogitandi & agendi, quæ recta sunt ; & generaliter opera moraliter bona : oratio autem, juxta S. Augustinum, sit aperta gratiæ testificatio.

Denique addidimus, *Quod omnia opera moraliter bona, saltem remotè, disponant ad gratiam; quatenus removent impedimenta, quibus positis gratia non daretur: ex quo consequitur, quod si sine gratiâ opera illa moraliter bona fieri possint, nos ipsos ad gratiam disponamus actu naturali.*

Sed accusatores nostri iterum hic accusant nos consentire cum Baij, cuius hæc Propositio num. 28. proscripta est ab Ecclesiâ: *Pelagianus est error dicere, quod Liberum Arbitrium valeat ad ullum peccatum vitandum.* Item hæc 36. Cum Pelagio sentit, qui boni aliquid naturalis, hoc est, quod ex solis naturæ viribus ortum dicit, agnoscit.

Item signanter hæc num : 65. Non nisi Pelagiano errore admitti potest usus aliquis arbitrii bonus, sive non malus, & gratiæ Christi injuriam facit, qui ita sentit & docet.

Ad hæc respondi ibidem cum P. Turrano Soc. Jesu opusc. 15. cap. 3. §. 2. ubi rogat, an sit contra bullam (contra Baium) uti testimonii Conciliorum, Scripturarum, & Patrum, ad probandum non posse fieri aliquid bonum opus sine gratia ? Et respondeat: *Non defuerunt, qui existimarent, esse contra prædictam bullam, uti testimonii Scripturæ, SS. Patrum, ad probandum non posse solis viribus liberi arbitrii fieri bonum opus morale, & probant: quia civitas Bullâ damnata est mens Baii, qui censuram tribuit opinioni illi afferentium posse fieri aliquid bonum opus sine gratia.* Et tamen, si Concilia, & Patres contrarium docuissent, opinio illa eſet censurâ digna : Sed multi viri hujus ætatis sentiunt contrarium, nempè non esse contra prædictam Bullam uti testimonii Conciliorum, & Patrum ad probandum, non posse fieri bonum aliquid opus morale sine gratiâ.

Ita ille. Et merito, cum Bellarminns optimè à Toleto de vi ejusdem Bullæ instructus, (quamvis contrariam nobis sententiam sustineat) neutrā tamē illam suam opinionem per dictam Bullam voluerit confirmare: sciens (ut antè notavit P. Vasquez) Bullam illam ad confirmationem suæ sententiæ non habere robur.

Undè & ipse P. Vasquez, qui eandem nostram sententiam operosè confirmat, testatur, eandem minimè per dictam Bullam lœdi: qui tamen (ut ipse quidem testatur) didicit Romæ à Toleto, quid eadēm Bullâ prescriberetur.

Ref-

Respondimus interim ad primam propositionem suprà objectam, quod
meritò illa sit proscripta, cum falsum sit, liberum arbitrium non posse ullum
vitare peccatum ; cum possit vitare quodlibet, sed per Dei gratiam.

Ad alteram respondimus ibidem, etiam eandem esse fallissimam ; cum
plurima bona naturalia, hoc est, ex solis naturæ viribus orta, sint agnoscen-
da : maximè, cum omnis Dei creatura sit bona. Deindè advertendum est,
to *solis*, in dictâ propositione excludere etiam generalem Dei concursum.

Ad tertiam denique propositionem objectam respondimus, vel illam
damnata m̄ esse propter motivum à falsâ doctrinâ distinctum, puta ob acer-
biorem censuram : vel etiam (juxta alios) Authorem istius Propositionis
intellexisse per gratiam, *gratiam justificantem*, ut patet ex aliis Propositio-
nibus adjunctis & condemnatis, quæ dicunt, *omne quod agit peccator, pec-
catum esse : quod vera Charitas non possit consistere cum statu peccati* ; falsum
autem est, quod sine tali gratiâ, id est, *justificante*, non detur bonus usus
liberi arbitrii: cum & in peccatoribus bona opera possint inveniri.

Quibus omnibus ritè perpensis, mirum iterum est, accusatores nostros
opinionem hanc, tot Sanctorum Patrum & præcipuorum Theologorum
testimonii comprobaram, & suffultam, ut singularem nobis affricare :
multò magis, quod eandem à Sanctâ Sede per Belgii salutem, & fusum
Jesu Christi Sanguinem petant condemnari.

A C C U S A T I O III.

Gentiles, et si nullo pravo sine Virtutum suarum actus macu- Parte 3.
Artic. 5.
num. 3.
lissent defectu tamen relationis debitæ asserimus eosdem de-
liquisse. Florentius de cocq in Thesibus Antverpiæ defen-
fis 10. Martii 1677. Thesi 13.

R E S P O N S I O.

Doctrinam hanc tradidi hucusque secutus S. P. Angustinum cum to-
ta Augustinianorum Theologorum Schola ; adeò ut rursum mirum
sit, accusatores meos, me solum ac quosdam alios hujus Academiæ
Theologos hic accusare: studiosè suppressis illis, qui contentiosius hanc op-
pinionem hucusque defendunt cum suo S. Augustino.

Cum enim Julianus Augustino Stoicorum, aliorumque Virtutes abne-
ganti objecisset, an ergo si gentilis nudum operiret, esset peccatum: Res-
pondit S. Doctor in hunc modum lib. 4. Julian. cap. 3. Prorsus in quan-
tum non est ex fide, peccatum est; non quia per se ipsum factum, quod est nu-
dum